

JZU BOLNICA „SVETI VRAČEVI“

BIJELJINA

Broj: 4743/24

Dana: 02.09.2024 godine

Na osnovu člana 70. Zakona o javnim nabavkama BiH („Službeni glasnik BiH“ broj 39/14, 59/22 i 50/24) i člana 36. Pravilnika o javnim nabavkama JZU Bolnice „Sveti Vračevi“ Bijeljina, a povodom Otvorenog postupka broj 3838/24 za nabavku robe – potrošni materijal za sterilizaciju (106-1-1-294-3-198/24) nakon sprovedenog postupka javne nabavke i prijedloga Komisije za nabavku broj 4514-2/24 od 27.08.2024. godine, donosim

ODLUKU

o izboru najpovoljnijeg ponuđača

I

U postupku ocjene ponuda koje zadovoljavaju uslove navedene u postupku javne nabavke broj 3838/24 – Potrošni materijal za sterilizaciju, primjenjujući kriterijum ekonomski najpovoljnije ponude, izabrane su sledeće ponude:

- Ponuda “Medical” d.o.o Mostar za lotove: 1 i 3
- Ponuda “Derby trade” d.o.o. Brčko za lot: 2

II

Izabrani ponuđači su dužni da u roku od 5 dana od dana prijema ove Odluke, Ugovornom organu (na adresu Kneza Miloša 15, 76300 Bijeljina) dostave dokaze o ispunjavanju uslova iz tačke 3. podtačka 1. Tenderske dokumentacije, a u skladu sa članom 45. stav 2) Zakona o javnim nabavkama BiH („Službeni glasnik BiH“ broj 39/14, 59/22 i 50/24).

Dokazi koje dostavlja izabrani ponuđač ne mogu biti stariji od 3 meseca, računajući od momenta predaje ponude i moraju se predati u originalu ili ovjerenoj kopiji.

Ukoliko ponuđač propusti da dostavi navedena dokumenta, smatraće se da je odustao od ugovora za navedeni predmet nabavke, te će Ugovorni organ postupiti u skladu sa članom 72. stav 3. Zakona o javnim nabavkama BiH.

Ponuđači koji su navedenu dokumentaciju dostavili uz ponudu, nemaju obavezu istu da dostavljaju ponovo.

O b r a z l o ž e n j e

U postupku javne nabavke broj 3838/24 (broj obavještenja na portalu javnih nabavki: 106-1-1-294-3-198/24) za nabavku robe – potrošni materijal za sterilizaciju, po Otvorenom postupku, na protokol JZU Bolnice „Sveti Vračevi“ Bijeljina blagovremeno su pristigle 3 (tri) ponude:

1. Ponuda broj 4480/24 ponuđača „Medical“ d.o.o. Mostar (za lotove: 1 i 3)
2. Ponuda broj 4512/24 ponuđača „Medicom“ d.o.o. Bijeljina (za lot: 4)
3. Ponuda broj 4513/24 ponuđača „Derby trade“ d.o.o. Brčko (za lotove: 1 i 2)

Komisija za nabavku imenovana Rješenjem broj 3838/24 od 03.07.2024. godine izvršila je javno otvaranje pristiglih ponuda, pregled, analizu i ocjenu ponuda, te konstatovala da su ponude: „Medical“ d.o.o. Mostar za lotove 1 i 3 i „Derby trade“ d.o.o. Brčko za lot 2 prihvatljive, jer ispunjavaju sve uslove koji se traže tenderskom dokumentacijom.

Ponude „Medicom“ d.o.o. Bijeljina za lot 4 i „Derby trade“ d.o.o. Brčko za lot 1 nisu prihvatljive, jer ne ispunjavaju uslove iz tenderske dokumentacije.

Ponuda broj **4512/24 „Medicom“ d.o.o. Bijeljina za lot 4 je neprihvatljiva**, jer ponuđač nije dostavio dokaze tehničke i profesionalne sposobnosti. Odredbama tenderske dokumentacije od ponuđača je traženo da dokažu da je roba koju nude registrovana kod Agencije za lijekove i medicinska sredstva BiH ili da posjeduje odgovarajuće uvjerenje o kvalitetu. Kako je ponuđač „Medicom“ d.o.o. Bijeljina propustio da dostavi dokumentaciju kojom dokazuje ispunjenje gore navedenih zahtjeva njegova ponuda je odbačena u skladu sa članom 68. stav (1) Zakona o javnim nabavkama BiH.

Ponuda broj **4513/24 „Derby trade“ d.o.o. Brčko za lot 1 je neprihvatljiva**, jer je ponuđeno neregistrovano medicinsko sredstvo, dok je ponuđač „Medical“ d.o.o. Mostar za lot 1 ponudio registrovano medicinsko sredstvo. Kako je tenderskom dokumentacijom definisano da će prednost imati registrovana medicinska sredstva, te da se EC certifikat o usklađenosti ili izjave proizvođača o usklađenosti ponuđene robe sa evropskom direktivom prihvataju samo ukoliko ne bude ponuđenih medicinskih sredstva upisanih u registar kod Agencije za lijekove i medicinska sredstva BiH. Kako je ponuđač „Derby trade“ d.o.o. Brčko za lot 1 ponudi neregistrovano medicinsko sredstvo, a drugi ponuđač je ponudio registrovano medicinsko sredstvo, njega ponuda je odbačena u skladu sa članom 68. stav (4) tačka j) Zakona o javnim nabavkama BiH.


Na osnovu kriterijuma ekonomski najpovoljnije ponude, a u skladu sa rang listom kvalifikovanih ponuda, vrši se izbor najpovoljnije ponude i to:

- **LOT 1** – ponuda „Medical“ d.o.o. Mostar kao ponuda sa najvećim brojem bodova – 100 bodova (ukupno bez PDV-a: 1.000,00 KM, rok isporuke: 5 dana)

- **LOT 2** – ponuda „Derby trade“ d.o.o. Brčko kao ponuda sa najvećim brojem bodova – 100 bodova (ukupno bez PDV-a: 32.290,00 KM, rok isporuke: 1 dan)
- **LOT 3** – ponuda „Medical“ d.o.o. Mostar kao ponuda sa najvećim brojem bodova – 100 bodova (ukupno bez PDV-a: 55.150,00 KM, rok isporuke: 5 dana)

Pouka o pravnom lijeku

Protiv ove Odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda Zakona i podzakonskih akata od strane ugovornog organa u postupku javne nabavke. Žalba se može izjaviti u roku od 10 dana od dana prijema odluke o izboru najpovoljnijeg ponuđača. Žalba se izjavljuje na način propisan članom 99. Zakona o javnim nabavkama.



21
V.D. DIREKTORA

Prim. dr Mikajlo Lazić